

cogendi sunt , ut rem certam confiteantur , eamque deserant opinionem , ex qua consequens est , fallax esse judicium Apostolicæ Sedis in consecrandis Divis . Nam quod isti magnis verbis pronuntiant , *judicium Sedis Apostolice in canonizationibus esse irrefragabile* , id eos animo noti tenere prorsus existimo . Nec ipsi vero tenere possunt , modo boni Theologii velint esse , ac sibi constent ratiocinando .

Sed hujus miseri magistelli *ἀπροσέξιαν* , atque , ut more Plautino loquar , incogitantiam ex corde libet agnoscere : qui dum fatetur de fide esse Clementem XII . verum esse Pontificem , sibi ipse bipennim pedibus illidit . Si enim Clemens XII . idcirco verus est Pontifex , quod fide docemur , qui ritu legitimo creatus sit , eum Pontificem esse verum ; & Clementem XII . Cardinales ritu legitimo ab se creatum testantur : ineptus est , qui nolit Mysterium definiri , vel ut certum de fide , vel infra fidem ; hoc , inquam , Mysterium , quod & verum , & certum esse argumento simillimo prorsus efficitur . Nam fide docemur , in moribus informandis Ecclesiam esse columnam , & firmamentum veritatis : & ab Ecclesia cultum deferri immunitati Deipara , qui quidem cultus ad mores pertinet , verus ipse declarat Ecclesiæ Pastor Alexander Septimus .

XXX . Adverttere etiam debent pro illorum indemnitate supplicis libelli autores , vel qui illis inserviere in extensione supplicationis , quod quando enuntiantur propositiones a Summis Pontificibus damnatae , integrae , & non dimidiatæ transcribi debent . Enuntiatur in supplici libello pagina 7 . propositio 73 . ex damnatis a Pio Quinto contra Bajanos hoc modo : Nemo præter Christum est absque peccato originali : hinc B . Virgo mortua est propter peccatum ex Adam contractum . Quæ vero sequuntur , scriptor libelli supplicis continuit in calamo , & sunt verba , quæ propositionem vitiant : omnesque ejus afflictiones in hac vita , sicut & aliorum justorum , fuerunt ultiones peccati actualis , vel originalis . Hinc advertatur , quod propositio antecedens , quæ est 72 . est principium , ex quo oritur 73 . a qua in istam transfunditur error damnandus . Dicit